

Jangan jadi fasik

■ Tindakan sebar berita palsu, fitnah tidak cerminkan akhlak seorang Muslim



SYAIKH Ismail (dua dari kanan) menerima anugerah daripada Muhyiddin.

Oleh Mohd Husni Mohd Noor
mhusni@hmetro.com.my

Putrajaya

T indakan segelintir individu yang menyebarkan berita palsu dan fitnah menerusi media sosial sehingga menjadi 'viral' ketika musibah banjir baru-baru ini boleh disifatkan sebagai satu perbuatan keji dan tidak membayangkan akhlak seorang Muslim, kata Timbalan Perdana Menteri Tan Sri Muhyiddin Yassin.

Beliau berkata demikian ketika berucap merasmikan Majlis Perhimpunan Sambutan Maulidur Rasul Peringkat Kebangsaan 1436H/2015M yang bertemakan 'Perpaduan Nadi Transformasi Negara' di Masjid Putra, di sini, semalam.

Menurutnya, perbuatan berke-

naan juga bertentangan dengan ajaran Islam kerana cerita yang direka itu berniat jahat selain menimbulkan rasa resah dan gelisah dalam kalangan rakyat.

"Perbuatan itu juga boleh mengwujudkan rasa benci dan permusuhan sesama Islam. Justeru, saya menyeru seluruh rakyat Malaysia supaya tidak mudah mempercayai berita palsu yang tersebar di media sosial."

"Allah SWT menggelarkan orang yang menyebarkan berita palsu sebagai orang yang fasik. Justeru, sekam dulu sebarang berita yang di terima dengan sumber sahih," ka-

tanya.

Hadir sama isteri Muhyiddin, Puan Seri Norainee Abdul Rahman dan Menteri di Jabatan Perdana Menteri Datuk Seri Jamil Khir Baharom.

Beliau turut memuji keprihatinan masyarakat di negara ini yang membantu mangsa banjir dengan menghulurkan pelbagai bantuan dan sokongan.

Muhyiddin berkata, mereka menghulurkan pelbagai bantuan



Bersikap toleransi

Putrajaya: "Biarpun rundingan itu dilakukan dengan individu bukan Islam, saya tetap terapkan konsep dan pendekatan Islam termasuk bersikap toleransi dan sabar," kata Penolong Setiausaha Bahagian Pengurusan Bencana Majlis Keselamatan Negara (MKN) Kolonel Mohd Sakri Hussain.

Mohd Sakri individu penting yang bertanggungjawab mengetuai misi rundingan dengan ketua kumpulan pemisah yang menguasai kawasan pesawat MH17 jatuh diembak, Alexander Borodai di Donetsk, Ukraine pada Julai tahun lalu.

Kredibiliti Mohd Sakri dalam misi berkenaan diiktiraf kerajaan apabila beliau dinobatkan sebagai antara lapan penerima Anugerah Maulidur Rasul Peringkat Kebangsaan Tahun 1436H/2015M.

Beliau yang ditemui semalam berkata, pendekatan rundingan yang diamalkannya itu menjadi titik tolak kepada kejayaan rundingan Malaysia dengan kumpulan pemisah di Ukraine dalam tragedi pesawat Pener-

bang Malaysia (MAS), MH17.

"Selain itu, tindakan Perdana Menteri Datuk Seri Najib Razak ketika itu juga sesuatu yang sangat baik di mana tindakan secara 'senyap' dan berhikmah akhirnya membuka jalan terbaik kepada kita semua," katanya yang turut membawa pulang wang tunai RM20,000 berserta trofi dan sijil penghargaan.

Selain Mohd Sakri, kerajaan turut mengurniakan Anugerah Perdana Maulidur Rasul kepada Imam Besar Masjid Negara Tan Sri Syaikh Ismail Muhammad manakala, tujuh penerima Anugerah Maulidur Rasul yang lain termasuk Ahli Jawatankuasa Syariyyah (Fatwa) Majlis Hal Ehwal Islam Perak Datuk Saleh Mad @ Ahmad; Juruacara Bahasa Arab Tilawah al-Quran Peringkat Antarabangsa Datuk Mahamud Abdul; Pensyarah Universiti Putra Malaysia Prof Madya Dr Hafidzi Mohd Noor dan Pensyarah Universiti Malaya yang juga penceramah terkenal Prof Dr Sharifah Hayati Syed Ismail.

sama ada berbentuk barang, wang ringgit dan tenaga untuk membantu mangsa banjir.

"Ini satu contoh akhlak terpuji yang diamalkan oleh rakyat negara ini tanpa mengira kaum atau agama," katanya.

Dalam pada itu, Muhyiddin turut menggesa umat Islam di negara ini supaya sentiasa berusaha memperkuuh dan meningkatkan kefahaman mengenai pegangan aqidah Ahli Sunnah Wal Jamaah dengan menjauhi segala bentuk ajaran yang melampaui dan menyeleweng daripada ajaran Islam sebenar.

Menurutnya, pendekatan kese derhana atau wasatiyyah yang menjadi tunjang pegangan Ahli Sunnah Wal Jamaah perlu terus dipertahankan bagi mengelak elemen yang boleh merosakkan perpaduan dan mengancam keharmonian ummah.

"Saya percaya masalah perpe-

cahan ummah dan sikap melampau segelintir umat Islam akan dapat diatasi jika umat Islam kembali berpegang kepada ajaran Islam seperti yang terkandung dalam al-Quran dan Sunnah," katanya.

Terdahulu, pada majlis sama, Muhyiddin menyampaikan Tokoh Anugerah Perdana Maulidur Rasul 2015 kepada Imam Besar Masjid Negara Tan Sri Syaikh Ismail Muhammad.

Sebanyak 134 kontingen membabitkan 15,000 peserta terdiri daripada 68 pasukan jabatan kerajaan, 33 badan berkanun, 13 swasta, 10 badan beruniform, empat sekolah, enam institut pengajian tinggi dan enam kontingen pertubuhan bukan kerajaan menyertai perarakan Maulidur Rasul sejauh 1.8 kilometer dari hadapan bangunan Kementerian Perdagangan Dalam Negeri, Koperasi dan Kepenggunaan (KPDNKK) melalui Persiaran Perdana menuju ke Masjid Putra.